

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 03-37-1-2-3/24

Datum: 11.01.2024. godine

Na osnovu člana 22. stav (1) tačka b) i člana 26. stav (4) Zakona o slobodi pristupa informacijama na nivou institucija Bosne i Hercegovini („Službeni glasnik BiH“, broj: 61/23), rješavajući po zahtjevu za slobodan pristup informacijama Messina Salvatore Giuseppe Maria, zastupanog po advokatu Ahmedu Fejziću, direktor Agencije za razvoj visokog obrazovanja i osiguranje kvaliteta Bosne i Hercegovine *d o n o s i*

RJEŠENJE

ODOBRAVA SE podnosiocu zahtjeva pristup informacijama koje su pod kontrolom Agencije za razvoj visokog obrazovanja i osiguranje kvaliteta Bosne i Hercegovine.

Образложење

Agencija za razvoj visokog obrazovanja i osiguranje kvaliteta Bosne i Hercegovine zaprimila je 03.01.2024.godine Zahtjev za pristup informacijama Messina Salvatore Giuseppe Maria, zastupanog po advokatu Ahmedu Fejziću iz Sarajeva, kojim su tražene informacije, kako slijedi: Da li su diplome izdane na Internacionalnom univerzitetu u Goraždu tokom trajanja uslovne akreditacije koja je bila važeća do 08.09.2023.godine?

Razmatranjem predmetnog zahtjeva, utvrđeno je da su ispunjeni uslovi da se u skladu sa članom 26. stav (4), a u vezi sa članom 25.stav (1) Zakona o slobodi pristupa informacijama na nivou institucija Bosne i Hercegovini odobri pristup traženim informacijama koje su pod kontrolom Agencije za razvoj visokog obrazovanja i osiguranje kvaliteta Bosne i Hercegovine kako slijedi:

Internacionalni univerzitet u Goraždu bio je uslovno akreditovan na dvije godine, a na osnovu Rješenja o uslovnoj akreditaciji broj: 10-34-212-6/21 od 07.09.2021. godine koje je izdalo nadležno Ministarstvo za obrazovanje, mlade, nauku, kulturu i sport Bosansko-podrinjskog kantona Goražde (u daljem tekstu: Ministarstvo). Uslovna akreditacija predmetne visokoškolske ustanove je bila upisana u Državni registar akreditovanih visokoškolskih ustanova u Bosni i Hercegovini na osnovu Rješenja Ministarstva o uslovnoj akreditaciji, te Rješenja Agencije o u upisu uslovne akreditacije u Državni registar, broj 05-33-1-62-14/21 od 09.09.2021. godine.

Da bi uslovna akreditacija imala dejstvo akreditacije (vanjske potvrde kvaliteta) neophodno je da visokoškolska ustanova šest mjeseci prije isteka roka od dvije godine,

www.hea.gov.ba, [e-mail:info@hea.gov.ba](mailto:info@hea.gov.ba)

svojim zahtjevom pokrene postupak ponovne akreditacije te da se u tom postupku dokaže kako su na toj visokoškolskoj ustanovi otklonjeni prethodno uočeni nedostaci zbog kojih je i data uslovna akreditacija, te da su ispunjeni svi kriteriji za akreditaciju.

Međutim, s obzirom da prema važećim propisima visokoškolska ustanova „Internacionalni univerzitet u Goraždu“ nije šest mjeseci prije isteka roka uslovne akreditacije podnijela kompletan zahtjev za akreditaciju nadležnom Ministarstvu, nadležno Ministarstvo je izdalo Rješenja o odbijanju zahtjeva za akreditaciju Internacionalnog univerziteta u Goraždu, broj: 10-34-1893-4/23 od 05.09.2023. godine.


Imajući u vidu navedeno, te činjenicu da predmetna visokoškolska ustanova nije prošla postupak kasnije pune akreditacije u zakonom propisanim rokovima, ima se smatrati da Internacionalni univerzitet u Goraždu nije bio akreditovan u navedenom periodu, te da prema tome diplome „Internacionalnog univerziteta u Goraždu“ nisu izdavane od strane akreditovane visokoškolske ustanove.


Pouka o pravnom lijeku: Protiv ovog rješenja može se izjaviti žalba Žalbenom vijeću pri Vijeću ministara Bosne i Hercegovine, ul. Trg BiH br. 1, 71000 Sarajevo, uz uplatu takse u skladu sa Zakonom o administrativnim taksama i Tarifom administrativnih taksi, u roku od 15 dana od dana prijema ovog rješenja.

Uputstvo o pravu obraćanja ombudsmenu: Možete se obratiti i Ombudsmenu za ljudska prava Bosne i Hercegovine na adresi Akademika Jovana Surutke 13, 78000 Banjaluka, tel/fax 051 303 992.

Dostaviti:

- Messina Salvatore Giuseppe Maria zastupan po advokatu Ahmedu Fejziću

 Službenik za informacije
- a/a



DIREKTOR


Prof. dr Enes Hašić